



Predmet: Izvještaj s Konferencije: Rad javne službe u budućnosti, borba protiv korupcije, usmjeravanje rada, održane u Batumiju, Gruzija, od 22. do 24. septembra 2011.

Kolegij Predstavničkog doma Parlamentarne skupštine BiH prihvatio je poziv Ministarstva pravde Gruzije i predložio Milorada Živkovića, prvog zamjenika predsjedavajućeg, da učestvuje u radu ove konferencije, održane u Batumiju, Gruzija, od 22. do 24. septembra 2011.

Konferenciju je otvorio ministar pravde Gruzije Zurab Adeishvili, uvodnim obraćanjem u kojem je pozdravio sve prisutne predstavnike zemalja učesnica i zahvalio na njihovom dolasku i učešću u radu Konferencije.

Konferencija se sastojala iz pet sesija, i to o sljedećim temama:

Put ka efikasnom djelovanju,

Reforme: usluge za građane,

E-LK,

Odgovornost i odnos s biračima,

Upotreba E-tehnologije kod pružanja javnih usluga.

Moderator na prvoj sesiji – Put ka efikasnom djelovanju i borbi protiv korupcije u Gruziji - govorio je prvi zamjenik glavnog tužioca Gruzije Davit Sakvarelidze.

U svom govoru istakao je da je nakon revolucije ruže, vlada Gruzije postavila borbu protiv korupcije kao prioritet. Politika nulte tolerancije rezultirala je eliminacijom korupcije. Prema globalnom barometru korupcije Transparency Internationala, u proteklih 12 mjeseci samo je 3% ispitanih stanovnika Gruzije moralo dati mito.

Što se tiče reforme Usluge za građane, Svjetska banka stavila je Gruziju na prvo mjesto. Vlada Gruzije ostvarila je veliki uspjeh u poboljšanju pružanja usluga građanstvu. Ministarstvo pravde sa svojim službama, Civilni registar i Javni registar, vodi ovaj proces. Kao rezultat primjene strogih mjera protiv korupcije, zahvaljujući reformama upravljanja ljudskim potencijalima, uklanjanja birokratskih prepreka i uvođenjem principa „jedan prozor“; korištenjem novih

tehnologija u javnom sektoru, poboljšanjem infrastrukture i kancelarijskih kapaciteta, povećanjem transparentnosti kod nabavki i općenito promjenama u upravljanju, ove dvije službe stvorile su novu vrstu pružanja javnih usluga.

Uspjeh reformi Civilnog i Javnog registra omogućio je Vladi da razvije novi koncept službe za javne usluge.

Koncept uprave za javnu službu osmišljen je kako bi se osiguralo pružanje usluga građanima koje su efikasne i dostupne. Uprava objedinjuje aktivnosti nekoliko službi pod jednim krovom, kako bi se pojednostavio pristup uslugama i informacijama. Uprava za javnu službu kao takva ne podrazumijeva samo puko premještanje nekoliko nezavisnih strukturalnih institucija u jednu zgradu nego i ideološko i sistemsko ujedinjenje svih institucija koje pružaju usluge.

Carinarnica u Sarpiju primjer je mjesta gdje je značajno poboljšano pružanje usluga. Smještena na granici s Turskom, novootvorena carinarnica osigurava brz i ugodan protok ljudi i robe.

Uvođenje zakonskih promjena i korištenje IT-a doveli su do izrade E-notarskog sistema u Gruziji. Trenutno Gruzijaska notarska služba je među vodećima u korištenju najmodernijih tehnologija što se tiče pružanja kvalitetnih notarskih usluga javnosti. Elektronski notarski sistem povećava povjerenje i smanjuje mogućnost falsificiranja notarskih predmeta. Notarski predmeti arhiviraju se u digitalnoj formi. Statistički podaci automatski se stvaraju. Postoji novi trend kod notara u Gruziji da se online usluge građanima pružaju putem skajpa. Te online usluge uključuju: verifikaciju ovlasti pravnih predmeta, izjave i zapisnici sa sastanaka odbora.

Prvi zamjenik predsjedavajućeg Predstavničkog doma Parlamentarne skupštine BiH Milorad Živković u svom govoru rekao je kako se mi u Bosni i Hercegovini ne možemo pohvaliti tako dobrim rezultatima u borbi protiv korupcije kao naši domaćini, a razlozi su višestruki. Napomenuo je da smo, u skladu sa Strategijom borbe protiv korupcije 2009.-2014., tek ove godine formirali Agenciju za prevenciju korupcije i koordinaciju borbe protiv korupcije.

U svom govoru rekao je da u državnim institucijama, po prirodi stvari, korupcije ima najviše, ali korupcije ima i u svim drugim segmentima društva.

Također je napomenuo da je za suzbijanje korupcije odgovorna država.

Na marginama Konferencije prvi zamjenik predsjedavajućeg Predstavničkog doma Parlamentarne skupštine BiH Milorad Živković razgovarao je predsjednikom Parlamenta Gruzije, ministrom pravde Gruzije, zamjenikom ministra pravde kao i drugim visokim zvaničnicima koji su prisustvovali i pratili rad Konferencije.

Izveštaj odobrio

dr. Milorad Živković

Izveštaj napravila

Senaida Bešlagić

Sektor za međunarodne odnose i protokol

Dostaviti:

-Kolegijumu Predstavničkog doma

-Kolegijumu Doma naroda

-Komisiji za spoljne poslove Predstavničkog doma

-Komisiji za spoljnu i trgovinsku politiku Doma naroda

-Sektoru za međunarodne odnose i protokol